

**UNIVERSITI TUN HUSSEIN ONN MALAYSIA  
PEJABAT BENDAHARI**

---

UTHM.PB/100.6/4( 24 )

05 Ogos 2009

**PEKELILING BENDAHARI BIL. 4/2009**

**Semua Pengurus Bahagian**

Universiti Tun Hussein Onn Malaysia  
Parit Raja, Batu Pahat

Assalamualaikum

YBhg. Dato'/Prof./Tuan/Puan,

**PEMBERIAN IMBUHAN BAGI PENERBITAN MAKALAH DI DALAM JURNAL BERIMPAK TINGGI**

**1.0 TUJUAN**

Tujuan Pekeliling ini dikeluarkan adalah untuk menerangkan kepada semua Pengurus Bahagian mengenai garis panduan kadar Imbuhan bagi penerbitan makalah di dalam jurnal yang berimpak tinggi.

**2.0 LATAR BELAKANG**

- 2.1 UTHM telah mempunyai satu '*blueprint*' yang menggariskan hasrat dan aktiviti untuk menjadi salah sebuah universiti bertaraf dunia pada tahun 2013.
- 2.2 Hasrat ini bertepatan dengan kehendak negara yang mahu melihat universiti tempatan mampu bersaing secara kompetitif dengan universiti utama lain di peringkat global.
- 2.3 Salah satu kriteria utama yang diambil kira dalam penaraan dan penarafan sesebuah IPTA adalah dengan melihat kemampuan para penyelidiknya menghasilkan terbitan ilmiah khasnya dalam jurnal yang berimpak tinggi.
- 2.4 Jurnal yang berimpak tinggi yang ditakrifkan oleh '*The Institute of Scientific Information ® (ISI ®)*' ialah '*Calculated based on a three-year period. It can be viewed as an approximation of the average number of citations in a year, given to those papers in a journal that were published during the two preceding years. For example, the 2003 impact factor for a journal would be calculated as follows:*

*A = the number of times articles published in 2001-2 were cited in index journals during 2003*

*B = the number of 'citable items' (usually articles, reviews, proceedings or notes; not editorials and letters-to-the-Editor) published in 2001-2*

*2003 impact factor = A/B*

*(note that the 2003 impact factor was actually published in 2004, because it could not be calculated until all of the 2003 publications had been received)*

- 2.5 Sebagai galakan, pihak Universiti memutuskan untuk memberi imbuhan dalam bentuk wang ringgit kepada mana-mana stafnya yang berjaya menerbitkan makalah dalam jurnal-jurnal berimpak tinggi.
- 2.6 Pemberian imbuhan ini mempunyai objektif seperti berikut:
- i) Meningkatkan aktiviti penerbitan dalam kalangan pensyarah khususnya di peringkat antarabangsa.
  - ii) Memenuhi komponen penting dalam mengkategorikan universiti bertaraf dunia iaitu 20% dari penilaian keseluruhan adalah berasaskan penerbitan di peringkat antarabangsa yang mempunyai faktor impak.
  - iii) Mempercepatkan proses pemasyhuran Universiti Tun Hussein Onn Malaysia sebagai universiti bertaraf dunia.
- 2.6 Jawatankuasa Eksekutif pada mesyuarat Bil. 7/2009 bertarikh 10 Jun 2009 telah meluluskan pindaan Garis Panduan Kadar bagi Anugerah Penerbitan Makalah di peringkat Antarabangsa untuk diterima pakai.
- 2.7 Dalam membuat tuntutan, staf dikehendaki mengemukakan Borang Tuntutan Penerbitan Artikel dalam Jurnal Berimpak Tinggi yang telah lengkap ke Pejabat Bendahari. (Pengesahan dari fakulti dan Pejabat Penerbit diperlukan). Borang permohonan boleh diperolehi di Pejabat Penerbit.

### **3.0 PERATURAN**

- 3.1 Imbuhan ini hanya melibatkan penerbitan makalah di dalam jurnal yang mempunyai faktor impak sahaja.
- 3.2 Kadar imbuhan yang akan diberikan adalah tertakluk kepada nilai faktor impak sesebuah jurnal sepetimana pecahan berikut:

Faktor impak	Jumlah Anugerah Per Artikel (RM)
$0.1 \leq IF < 0.5$	1,000.00
$0.5 \leq IF < 1.0$	2,000.00
$1.0 \leq IF < 2.00$	3,000.00
$2.0 \leq IF < 3.00$	4,000.00
$IF \geq 3.0$	5,000.00

- 3.3 Hanya pengarang utama/pertama dan pengarang tunggal dari UTHM sahaja yang mendapat imbuhan. Jika pengarang UTHM adalah pengarang kedua, ketiga dan seterusnya, pemberian imbuhan tidak layak dipertimbangkan.
- 3.4 Pengagihan imbuhan kepada pengarang adalah 100% berdasarkan nilai faktor impak pada jurnal tersebut.
- 3.5 Pengarang juga mestilah meletakkan nama Universiti dalam artikel yang diterbitkan.

- 3.6 Hanya pemohon bertaraf jawatan tetap, kontrak, sementara sahaja layak memohon, staf sambilan tidak akan dipertimbangkan.
- 3.7 Permohonan hendaklah menggunakan borang permohonan yang disediakan.
- 3.8 Permohonan yang lengkap sahaja layak untuk dipertimbangkan.

#### **4.0 KUAT KUASA PEKELILING**

Pekeliling ini adalah berkuat kuasa daripada tarikh kelulusan Mesyuarat Jawatankuasa Eksekutif Bil.7/2009 yang bersidang pada 10 Jun 2009.

#### **5.0 PEMBATALAN**

Dengan berkuatkuasanya pekeliling ini, Pekeliling Bendahari Bil. 5/2008 adalah dibatalkan.

Kerjasama dan perhatian Y. Bhg.Prof/Tuan/Puan dipohon agar dapat memanjangkan perkara ini kepada pegawai PTJ yang berkenaan.

Sekian, terima kasih.

**"DENGAN HIKMAH KITA MENEROKA"**

Yang benar,

**HJ. ABU BAKAR BIN HUSSAIN**

Bendahari  
Samb. 4537050

- s.k - Naib Canselor
- Timbalan Naib Canselor (Hal Ehwal Pelajar & Alumni)
  - Timbalan Naib Canselor (Akademik & Antarabangsa)
  - Ketua Unit Audit Dalam